


祠山事要指掌集



重刊祠山事要有堂集首編

聖朝故事

士礼展威

太祖高皇帝御製詩

天下英靈第一山



高臺近斗當空出

兵革累經香火舊

白雲為關石為闕

老樹如龍挾雨還

鬼神常護道人閑



從軍幸得采瞻此 揮指干戈動笑顏

一

祠山感應靈籤詩

提師出戰遂收降 談笑與戎坐正邦

凡第得恩全借力 子孫永遠保安康

通計籤書四十葉

祠山張君生於漢宣帝神爵癸亥

年閏曆於相納橫山之已建壇禮

斗行滿功成神化於石壇開濟之

處靈通顯應心曰祠之先武中興

重建廟宇梁武感夢如知神功唐

明皇朝濟早應禱贈以水部之號

歷代加封祀禮益謹江制杏稚莫

不知敬前後守令每於雨暘祈  
與敢或怠至于遠方士庶靡  
懈之勞又皆潔辦香而羅拜  
神以赫赫厥靈禦大菑捍大  
雨而雨祈暘而暘有德於民  
於國故香火之盛宜與嶽瀆  
悠久焚其廟碑見於顏公真  
鄉之

筆其廟扁見於張公李祥之  
神之對號則又見於歷代帝  
誥命若夫靈蹟本末載在祠  
寶者大阮詳矣此曰劫火板  
幸有報息禪守主祀僧嗣長  
備木植勸請守鄰陳文諒併  
緣重新廟貌旁求舊本復鼓  
諸梓

用廣其傳後之覽者度知靈蹟之  
有自來而歷代所以祀之者唯敬  
而已矣延祐歲次甲寅前嘉興路  
儒學教授登仕郎廣德路提管府  
知事古杭一齋沈天祐敬書

祠山真君自漢至今歷年久矣赫赫厥靈有  
感必應歷代所以祀之前後賢士大夫祈謝  
之文已於祠山集內具載愚既作文以述其  
畧然耳目之親聞見者則又不可不重為發  
揮愚自至大辛亥仲春游桐川八幙三日嘗  
謁于廟因訪天寧方丈問祠山本末望源老  
師示以事要舊本乃知靈跡有素是年秋旱

郡守范仁與達魯花赤子會同列幙屬祈雨

祠山時七月二十九日也閏月既朔祈禱益

虔微雨皆降尚未通濟十有三日夜雨沛然

繼而連雨霑足苗勃然興年書大有皇慶改

元時惟芒種久晴澤涸農復憂旱愚在幙中

首以祈雨白之黃浩守然其說率衆徧禱未

快霓望愚曰祠山正主水部宜循舊例設醮

請神迺於仲夏十有二日邀請神駕降于玄

妙觀醮筵越山宿還宮天寧寺僧又復安奉虔

禱甘霖隨降歲則大熟明年癸丑府公仍委

愚督廟會一誠所感士庶協助殿宇告成修

廟陳公友諒請撰題梁語句愚與全列朱

郭麟孫議擬得一聯云一人有慶崇望祀于

名山萬姓咸寧是負輪於祖廟是夜愚方寢

寐忽聞有言曰四海會同夢覺靖思此句神  
實誨之急往祠山正遇題梁脩述此語衆皆  
敬服遂用四海會同之句昭揭梁間人到于  
今稱之次歲甲寅延祐改元孟夏既望太守  
僕公文質之任謁廟以禮事神以敬神亦以公  
之聰明正直祐之適六七月間旱苗則槁矣  
公獨職思其意會文式行致禱祠山繼即

感應田禾潤澤乃命鄉博士馬元壽脩辭立  
誠具職銜公狀親致辦香焚白祠下未幾天  
油然作雲沛然下雨則苗勃然興之矣人謂  
僕侯之至誠感神其應如響當大書以彰厥  
靈公於十二月望被命經理嘉禾田土繼又  
遍歷江東浙右在外半載府判臣亦為經  
理田土事赴省時維芒種天久不雨漸及夏

至田乃畝垆老農咸頌而相告曰芒種無雨  
禾不入土夏既失種秋將何收職勸農者奈  
何不憂愚聞而知之白于官長急請設醮于  
府廳致禱祠山時達魯花赤順普同知郝事

幸羅大

樂從其說行或止之愚毅然復白于二

公曰祈雨設醮為民救田私心阻遏欲移齋  
筵願公主一勿惑浮言二公遂以此說為然

命羽士啓醮方炷香拜拜間天乃雷電以風  
大雨如注合郡士民莫不各致辦香羅拜官  
吏僧道肅然知敬亦皆稱贊祠山之靈是歲  
季秋太守僕公回路農既滌場陰雨妨獲迨  
及良月雨意猶甚率乃僚屬致禱祠山遂致  
冬晴以成歲計次年丙辰六月不雨公命僧  
道晨夕祈禱自朔及望未獲感通公獨歸咎



于神愚聞而往告之曰人事盡時天理應今  
祈雨未應宜反求諸已或獄訟賦役之未平  
當以此自責可也不可徒責于神况祠山職  
掌水部非奉天命不敢擅施天澤合循故典  
灑掃公庭邀請神駕啓建醮筵責身謝過為  
民籲天庶幾感格而水部得以効其靈公從  
此說隨獲天應烈風雷雨大慰衆望越宿送

神甘雨驟至官吏在路莫不沾衣下至走卒  
亦皆敬畏然農猶望雨公不憚煩於孟秋朔  
復禱祠山不俟旬日霖遂溥徧苗之槁者勃  
然復興歲乃小稔民幸粒食官吏士庶舉手  
加額稱謝水部之廣施天澤而能濟衆如此  
當時喜雨有詩歸之太守而太守不自以為  
功歸之水部之神通水部不敢專其功歸之

太空太空無言愚以紀諸祠山感應之篇也  
祐丙辰下元日前登仕郎廣德路總管高知  
事古杭一齋沈天祐吉甫記

重刊祠山事要指掌集序



祠山香火遍天下

神之博學高明悠久幾

與天地參上而

國家下而士庶禱而應上且而功捷於影響功  
在社稷澤在生民赫聲濯靈靈且靈蕩蕩乎無能  
名也自西漢廟食桐川迄今志二千五百餘載  
海內之祈禱者無虛日每春仲誕辰辦香駿

奔者肩摩踵接不絕於道雖遐陬僻壤小夫  
賤隸莫敢不來享來王其宏休備績所當鋪  
張揚厲垂無窮而昭罔極也桐郡舊有顯應  
集及世家編年皆幾載事實之書嘉熙己亥  
三山周君秉秀館于郡齋因閱顯應集謂其先  
後不倫遺闕弗補而世家編年纂次固亦載  
事多乖於是作正訛以辨其失仍取神之世

系封爵靈迹祠宇而次類緝於八卷卷為一  
門彙分序列莫不該括觀者一閱瞭然在目  
允謂得鈎玄機要之法矣己亥而後三四十  
年後來之事無有續之者迨成斷簡及乙  
亥兵火三書板皆焚燬散佚無有存者廟中  
古碑或斷或棄或徙去完者無從考校皆以  
封爵告詞刻板于廟今皆朽腐因靡有孑遺後

人敬求訪事跡其何所從質之丁余竊謂指堂  
集祠山信史之綱領今苟無以得何以詔後則  
此集不可以不續顯應集中四載累朝刻辭  
告勅與凡記刻祝文之類登之口今留題神宇  
讚頌神功見於詩詠者尤不容遺於是會粹  
舊編續其斷簡分為八卷而告詞記祝之文  
續為第九卷留題讚頌之文續為第十卷

是三者裒為全帙祠山之事迹可以言備矣  
然裒集非難板行為難父老欲隨力分板板  
計字字紐費里人陳氏友諒章氏邦寧裒集  
衆資督工鋟梓因攷嘉熙己亥周君改創是  
集之原與夫今茲重刊是集之因歷叙其詳  
以著之編端云元貞改元歲在乙未三月初  
吉前中奉大夫梅應發謹序

川瓊纓福地

相山重刊事要指掌集目錄

第一卷

聖像

從神像附

第二卷

世系


第三卷

前後事跡

第四卷

顯應事實

第五卷



祠宇埋藏附

第六卷

生辰

第七卷

正訛

第八卷

神属李王方侯


第九卷

廣惠靈異記 脩廟碑記附

第十卷

古今名公祈謝文

祠山事要指掌集目錄終



一國初邵平章行埋藏大會合用祭儀備開于後



立案日合用

大牢三牲上殿起馬

回家安位小禮三牲

絹旗一面長三丈一尺上寫神號

麻布二匹一匹做旗一匹做手巾

至晚氣食三十六分酌獻

籠炊筍飯三十六分

當日請監祭官

小禮三牲

用衣一付絹做

次日請司符

白羊三牲

饅頭三分

交朝神衣

衣紫紅条身 幘頭貳箇 朝靴二雙  
笏二片 刀鈎一付 小禮三牲

早朝 白羊三牲

晚朝 白羊三牲 通霄酌獻

當日冷用

黃燒紙八十大擔 大龍車馬三十六張

小龍車三十六張 大五嶽馬二百五十張

小嶽馬二百五十張 嶽豆子三十六百張

龍王馬四百張大 小龍王馬四百張中

二十諸天三十張大 小雲鶴各一十張

星官馬四五十張大 小星官馬五十張

四瀆控旗八十張大 傷司馬三百六十張大

小傷司馬三百六十張 大符馬四張

小符馬八張 大土地馬二張

小土地馬二張 五顯馬五十張中

甲馬六百張 十王馬二十張

小控騎一千張 河泊水官馬一付

倉庫土地馬一付 監厨馬一付

監祭馬一付 諸神雜馬各一百張

香油一百斤 黃蠟一十二斤八兩



麻骨五挑

香一十斤

燈心四斤

疏紙五十刀每刀一百張

表章紙二十張

不紅紙二十張

黃紙一百張連七

大尺八疏紙一百張

連三紙四十張

行移紙奏牒紙二百張

筆三十枝

銀硃三兩

土紅黃丹各二兩

天曹馬三十六分一付

五色紙五十刀每刀一百張

雜用

水竹四挑

苗竹四挑

炭一十挑

柴五百挑

麥三十五石

米一十二石

糯米八石作酒

麩二百斤

羊三十六隻

大正牛一頭水牛

黃牛五頭附者

竹簾三百條

油單紙四張方圓八尺

雞三百六十隻

鷺三百六十隻

日月旗二匹作紅白

梘子燈四十箇

燭臺三百六十枝

香爐三百六十箇

梘子三百六十隻

連四木板凳五十條

交椅一百六十隻

大碗三千六百箇

盤子三千六百箇

酒盃三千六百箇

豆粉五十五斤

贖皮鈔五十錠

亭燎木四根

乾竹絲一十五挑

飯桶四箇 各三尺六寸徑闊

毛血盆四箇

白箱四箇

章表匣三箇 梓木做

桌圍三条 黃絹做

竹籬五雙

厨錢五錠

司正錢二十錠

水桶五雙

酒注一十箇

飯桶一十箇

酒鉢一十箇

紅絹一十四

袴段一十箇

鼓樂錢五錠

鬼器九鬼

旗竿竹三十六根

飯甑四箇

天曹用

麥一石

赤豆一斗五升

油一斗斤

黃麻一斤

餅菓

至日割案起

立案三日用

大牢一隻

白羊三羴

鷩十隻

雞十隻

請監祭官

白羊三牲鷩雞

祭三司判官

白羊三牲

扎帳

祭符用

白羊三牲

奏本三道

牒文四道

內各處城隍一道

迎神角

白羊三牲

布旗一面

安神用

白羊三牲

起案用

白羊三牲

饅頭三十分

簍三十六箇

到殿祭陰兵

牢一頭

白羊一牲

飯米二石

開坑用

鷩一隻

雞二隻

五色線

淨坑用

鷩一隻

雞二隻

撒花米一斗演坑

監厨官用

鷓一隻

雞二隻

黃羅帕三十箇

陪祭司

李王前

梓潼前

燒

鷓一隻

雞二隻

至日發符

白羊一控

鷓二隻

饅頭四分

黃羅帕三箇

方封三箇

牒文四道

內一首 城隍

劄付三道

付符使

真君前

素食七獻

粉煎湯拖爐鳳雞

散不撒象生鷓

上堂用

父子各飯用單

羊飯三十三分

簇頭一百二十箇

素食三十三分

各設

中堂用

大牢羅神肉八十八塊

飯四桶

各飯用牛一百二十分

饅頭一百二十雙

下堂用

白羊一控

簇頭一百二十箇

十五

素食

催符

小禮三牲

催帖三道



接神

白鷺一隻 雞二隻

簇頭三十六箇

五岳用 奏司用

羊一羴 鷺二隻

一埋箴大會自漢迄今行過一千三百五十六會

四頁

吳氏

禮部

正祐聖烈昭德昌福崇仁輔順真君



正室李氏累封

正烈昭助靈祐順聖妃



次室趙氏累封

協

懿

妃



柳氏累封

協

濟

妃



王長子累封

承烈顯濟啓祐廣福王



王次子累封

嗣應昭祐顯惠公





紹休廣祐顯應公

王第四子累封



濟美崇祐顯福公

王第三子累封



王第五子累封

善繼孚祐顯慶公



祈嗣

王長孫加封

永福昭惠侯



靈

由

心  
王



Large stylized watermark characters, possibly reading '佛' (Buddha) or '佛' (Buddha).

輔德助順廣福忠正王

長興李侯累封



協靈侯



方便者加封

協靈廣濟侯



祠山事要指掌集卷第一

閩藩入參桐川胡虞重

修造廟宇

至元廣德路民戶告乞加祠山封號

至元十八年閏八月民戶許文彬等三百二十六人連名

狀告年甲不同各無病俱係本路附籍戶計伏為狀告

照得本路城西五里有

祠山廣惠廟乃正佑聖烈昭德昌福崇仁輔順真君之

祠自漢迄今一千五百餘年神靈顯著凡水旱疾疫有

禱必應按本廟根脚事實云神姓張諱渤黃帝之後其

先名秉夏禹時人也居鼎州武陵郡龍陽洲事禹分治

水土至揚州均立海道淮泗行山澤間遇天文謂秉曰

上帝以君有功吳分遣吾為配生子當以水德王其地  
乘曰禹有聖嗣曆數在夏吾為人臣敢越厥志文曰天  
命也不在汝身必在其子孫數千年後其出世廟食乎  
漢宣帝神爵三年二月十一日神始生長而奇偉寬  
仁大度喜怒不形於色身長七尺隆準脩鬚髮垂委地  
深知水火之道有神告以此地荒僻不足建家命行山  
谷有神獸其形如白馬其聲如牛前導遂與夫人李氏  
東遊會稽度浙江至茗雪之白鶴山居焉始於茗之長  
興順靈鄉顯跡役陰兵自長興荆溪開鑿聖瀆至廣德  
界青林塘仍於崖側先開一浴兵池方三十餘頃尋廣

聖瀆之岸迤邐而西至杜抗廟志欲通津於廣德也復  
於後村畢宅保小山楓樹之側為掛鼓壇先時與夫人  
李氏密議為期每餉至鳴鼓三聲神即自至不令夫人  
至開河之所蓋神化形役陰兵不欲使人知之厥後夫  
人潛至河所神見夫人變形弗及遂慙與夫人見聖瀆  
之功於是息矣遁隱於廣德西五里橫山之頂朝斗成  
功端然化身于山頂之石壇居民遂立祠焉其祠毀于  
新室之火東漢建武間邑人重造梁天監五年大旱武  
帝感蔣山神夢曰陛下求雨於臣臣即近屬土地無能  
致雨綏安縣橫山廟神靈通天地禱之必獲感應帝從

之一禱而雨是歲大稔武帝遣使以珪幣告謝綏安即  
今之廣德也唐明皇天寶中本縣吏潘晃押上供錢帛  
至華州夢神曰汝至長安正旱但奏請立壇祈雨於吾  
晃至果旱遂詣奏聞詔從之三日而雨露足贈神為水  
部員外郎賜緋仍差潘晃為本縣令改橫山曰祠山唐  
昭宗景福元年孫儒統兵南畧至廣德宣州觀察使楊  
行密遣將田頌禦之頌禱于神以求陰助一夕頌感夢  
神曰取五更初進軍必克勝頌如其夢擒其將沈璨斬  
於寨下行密聞奏至乾寧二年贈神為司農少卿賜金  
紫唐天祐五年亢旱淮南節度使楊渥祝文詣廟祈

隨降雪霽承制贈禮部尚書兼封廣德侯吳軋貞二年  
旱祈雨尅日霑足贈僕射仍舊廣德侯南唐保大十二  
年旱禱雨感應冊為司徒進封廣德公竹冊今存于廟  
保大十四年三月錢塘吳延賞率兵逼宣州制置使陳  
令儀詣廟祈禱乞保宣州城壁及請繪像齋往奏事至  
則城閉不通遂以德入監郡却元正等請於郡治設  
像致奠至午風雨暴作後一日錢塘兵至攻城延賞遙  
見綠雲亭亭兵騎匝野以謂唐援兵至遂遁去於是宣  
州城壁如故九月冊封廣德王竹冊並存至前宋康定  
元年江南旱禱雨應郡守曰士宗表聞特封靈濟王宣

和三年睦寇方臘犯寧國郡守胡仲脩禱于神賊不犯  
境寇兵再犯績溪京西將莊永禱于神而禦之賊遂敗  
走閏五月加封忠祐靈濟王紹興元年寇兵高彥張琪  
前後入境百姓祈哀賊兵敗走郡以事聞于上紹興二  
年准告加封正祐靈濟昭烈王告詞有云當其危急以  
投誠乃赫威靈而響應具陳顯跡敢後褒崇紹興  
六月旱詔委守宰精加祈禱本軍詣廟齋醮即日霽是  
郡守湯朋舉奏聞加封正順忠祐靈濟昭烈王開禧三  
年旱朝廷遣使詣廟祈禱感應六月准告改封正祐昭  
顯威德聖烈王淳祐五年三月准吏部奉

旨改封正祐英濟威德聖烈王寶祐五年二月准告改  
封正祐聖烈真君降賜雲霞銷金法服俯仰冠青玉圭  
履寫其告詞云聖不可知之謂神已極褒崇之典道吾  
強名之曰大益加寅奉之恭旌異殊稱用彰至德廣德  
軍廣惠廟正祐英濟威德聖烈王聰明正直氣燄威靈  
受命上穹司陰陽一氣之柄有功下土為州郡百神之  
宗自前漢而聖瀆之跡始開至我宋而祠山之名遂顯  
神休赫著刻之琬琰者凡幾章封爵屢加播之絲綸者  
非一詔民受神之賜而有禱必應國資神之助而無感  
不通施與天而則同祭極地以難報矧王之秩既尊於



八字而邦之祀將衍於萬年功莫能名宜歸功於冥漠道無不攝斯見道之淵洪自非表異於尋儀豈易昭宣於景貺是用改錫真君之號申華靈宇之祠惟正祐則助順之本心惟聖烈則赫靈之偉績代天行化永鎮塵寰護國救人同依道蔭可特改封正祐聖烈真君自景定歷咸淳祈禱屢應三次奉誥命累加封號為正祐聖烈昭德昌福崇仁輔順真君神之祖父母父母兄弟妻女子孫兒婦弟婦一門一王四妃六公十八侯十六夫人皆授爵號及佐神李祿授爵靈惠廣祐福濟顯忠王助神方先授封協靈廣濟侯廟有常產以供歲時之祀

每歲仲春神之誕日四方皈敬必熏不絕歲五月例有埋截祈求秋成卜日盤地為坎方深各不踰五尺九祭饌器具悉實其中隨積隨化實以元土頃刻地平如舊舉世稱為神異前宋景德中朝廷給錢六十萬重修祠宇紹定庚寅特遣中使給降錢米重新建造廟庭至淳祐壬子前宋理宗崇敬尤至親書廣惠祖祠四字寶祐丁巳又書昭應之殿四字頒降本廟各立牌扁為額真本見存自歸附

聖朝以來至元十三年入秋元旱知郡趙宣武虔禱于神隨獲感應十六年夏又旱未將就稿官率領

耆老等求禱于神隨獲靈足又十七年春疫癘大作軍  
民多患各家詣廟祈求龍井聖水病者飲之皆得更生  
兼本路昨因兵火焚燎之時廟側有天寧寺皆成煨燼  
其餘將及神之廣惠廟忽回風滅火由是歸然獨存前  
後豐功偉績難以具述况累朝褒嘉降香遣使載之方  
冊昭昭可攷照得廟宇三百餘間舊係  
國家氣力建造迨今歲久風雨震凌朽興修之請誠  
不容緩又兼本廟神聖歸附之後尚仍曰號未沐  
真封文恭等生長此地夙藉神休而四方之人受神之  
蔭者非一日也若不告陳則神之靈跡無由

上達告乞備申

上司呈

省

聞奏特賜加封聖號行下修造廟宇俾自漢迄今千五百  
年香火傳之無窮神人幸甚蒙

本路總管府受理申奉到

江東道宣慰使司劄付取勘本廟有無傳祀等數累朝

加封合照文憑官吏保結申司以獲修造廟宇別無除

破官錢條例以難定奪本路依上行下合局取勘繳呈

本路碑記事實抄錄累朝封贈聖號書冊文冊具神

聖廟號官吏保結回申據

江東道宣慰使司抄具呈

江淮寺觀行中書省選下杭州路儒學政詳也崇政略  
都省乞賜

開奏

廟位 寺取勘累朝勅文憑狀

祠山廣惠廟 王 寺

今呈承奉 廣德縣行下依奉 總管府指揮奉到

上司劄付該照勘 祠山事實歷代傳記累朝加封合

照文憑保結申來事奉此 寺照得本廟舊有累朝誥

勅文憑數多因經大勢散漫今將見存誥勅用文省若

碑記事實文集呈解見到併開具本朝神聖元受歷代

國家封號于石 等保結是實伏乞照驗之賜轉申

上司照詳施行須至呈者

一今呈

竹冊文一道 誥命二十九道

御書一軸 省劄一道

碑記九本 事實文集四冊

竹冊文一道

南唐保大十四年冊為廣德王

誥命二十九道

誥命一道

紹興二年封為吳濟昭烈王

誥命一道

開禧三年封為正祐昭顯威德聖烈王

誥命一道

寶祐五年初改封為正祐聖烈真君

誥命一道

德祐元年加封為正祐聖烈昭德昌福崇仁

輔順真君

誥命一道

紹興十三年封聖母為顯應夫人

誥命一道

咸淳二年加封聖祖母為顯應起家昭靈協

惠夫人

誥命一道

咸淳二年改封聖父為廣應公

誥命一道

咸淳二年加封聖為慈惠嗣徽聖善協祐夫

人

誥命一道

嘉泰元年加封真君正寧昭助吳

惠順聖妃

誥命一道

咸淳二年改封真君妻趙氏為協懿妃

誥命一道

咸淳一年改封真君妻柳氏為協濟妃

誥命一道

嘉泰元年加封真君長子為承烈顯濟啓祐

王

誥命一道

咸淳二年加封真君長子為承烈顯濟啓祐

質福王

誥命一道

咸淳二年加封真君第三子為濟夫宗佑顯

福公

誥命一道

嘉泰元年加封真君第四子為紹休質祐公

誥命一道

咸淳二年加封真君第五子為善繼孚祐顯

愛公

誥命一道

咸淳二年改封真君第一位兒婦為廣祐妃  
誥命一道

咸淳二年加封真君第二位兒婦為嗣嬪  
福昭穆協靈夫人

誥命一道  
咸淳二年加封真君第四位兒婦為紹嗣宗  
福安穆助靈夫人

誥命一道  
咸淳二年加封聖女為淑顯柔嘉令儀昭懿  
夫人

誥命一道  
咸淳二年加封第四位聖女為康備昭應  
助永寧侯

誥命一道  
嘉泰元年加封第五位聖女為靖節聖  
助侯

誥命一道  
紹興十九年加封第四位聖女為康德順  
惠夫人

誥命一道

紹興十九年加封第五位聖弟婦為靖德淑  
惠夫人

誥命一道

紹定三年初封第一位聖孫為永福侯

誥命一道

嘉熙四年初封第二位聖孫為衍佑侯

命一道

咸淳二年加封第二位聖孫為衍祉昭寧侯

誥命一道

咸淳二年加封神龍為炎次應侯

御書一軸

寶祐五年前宋理宗皇帝親書昭應之殿四字付本廟為殿額

省劄一道

寶祐五年初改封正祐聖烈真君照會

事實文集四冊

祠山事要指掌集二冊 三山周秉秀編集

廣惠顯應集二冊 皇甫楚記

碑記九本

祠山行狀碑一本 政和四年常安民狀

顏魯公書橫山廟碑一本紹興已未洪興祖

祠山修廟記咸通七年吳郡顧蒙記劉家立

重修祠山廟碑天聖九年潘說撰文

立祠山靈濟王廟碑元豐年胡庶撰文

重修祠山廟記元豐年西充張贊記

加封祠山聖號誥碑紹興二年知軍李健立

國家重建祠山廟碑紹定五年通判范銘撰

國家重修祠山廟碑江東漕使趙興書立

本廟神聖元受國家封號

真君累封至

正祐聖烈昭德昌福崇仁輔順真君

真君正妻李氏

正烈昭助靈祐順聖妃

真君妾妻二人

協懿妃趙氏 協濟妃柳氏

真君祖父母

祖母顯應起家昭靈協惠夫人

真君父母

父廣應公 母慈惠嗣徽聖善協祐夫人

真君聖子五人 聖婦五人



第一位承烈顯濟啓祐廣福王

廣祐妃

第二位嗣應昭祐顯惠公

嗣嬪翊福昭穆協靈夫人

第三位濟美崇祐顯福公

濟順保福恭穆助惠夫人

第四位紹休廣祐顯應公

紹妙崇福安穆助靈夫人

第五位善繼孚祐顯慶公

善行敷福端穆助應夫人

真君聖女一人

淑顯柔嘉令儀懿夫人

真君聖第九人聖弟婦九人

第一位靈貺普濟昭助永休侯

靈德昭惠嘉懿夫人

第二位善利通貺靈助永利侯

善德助惠正懿夫人

第三位順成孚應顯助永濟侯

順德衍惠昭懿夫人

第四位康衛昭應廣助永寧侯

康德順惠顯懿夫人

第五位靖鎮豐利宏助永嘉侯

靖德淑惠令懿夫人

第六位休應豐澤字助永福侯

休德敷惠靖懿夫人

第七位明濟福謙善助永順侯

明德綏惠昌懿夫人

第八位昭佑通濟信助永昌侯

昭德靖惠明懿夫人

第九位嘉惠予吉順助永澤侯

嘉德柔惠光懿夫人

真君聖孫八人

第一位永福昭惠侯

第二位衍祉昭寧侯

第三位衍祐昭濟侯

第四位衍澤昭祐侯

第五位衍瑞昭利侯

第六位衍溼昭顯侯

第七位衍慶昭順侯

第八位衍惠昭福侯

待從龍神

顯濟龍王

靈浹淵王

佐神

輔德助順廣福忠正王李

協靈廣濟侯方

右謹具

呈

至元二十一年閏五月 日呈

至元行中書省咨 中書省

皇帝聖旨裏江淮等處行中書省據江東道宣慰司呈該  
據廣德路總管府申近據本路民戶許文彬等狀告照  
得本路城西 祠山廣惠廟正佑聖烈昭德昌福崇仁  
輔順真君神靈久著凡水旱疾疫有禱必應自前漢廟  
食迄今神之靈迹在在彰著雖行祠遍於江淮閩浙而  
本路肇跡之地實為祖祠但廟宇三百餘間舊係前宋  
時國家於庚寅年間重新建造經今五十餘年風雨震  
凌臺朽頽圮文彬生長此土夙藉神休若不陳告誠恐  
日漸傾仆告乞差官詣廟計度用工修造庶使千五百

年香火傳之無窮神人幸甚乞備申照驗事得此申奉  
到使司劄付該來申 祠山事實乞申

上司加封聖號行下修造廟庭即不見上項事實有無  
傳記考驗外據修理廟庭別無除破官錢體例似難定  
奪仰依問照勘完備官吏保結申司施行承此府司行  
下廣德縣 祠山真君歷代傳記并累朝加封應照文  
憑取勘完備官吏保結申來去後回據狀申行下本廟  
依上照勘去來今據廟祝羊詵等狀呈取勘得本廟舊  
有累朝誥勅文憑數多因經大勢散漫今將見存誥勅  
冊文省劄抄錄似本并碑記事實文集申解見到并開

具本廟神聖元受歷代國家封號乞轉申

上司照詳施行得此縣司今將前項抄錄到誥勅文冊  
并碑記事實文集申解見到并開具本廟神聖元受封  
號官吏依上保結是實乞照詳事得此今將

祠山真君事實碑記并累朝加封誥命似本事跡文憑  
錄連在前官吏准上保結申乞照驗備申

上司加封修造施行得此本司今將 祠山真君等加  
封誥命似本重錄在前呈乞照詳施行事得此送杭州  
路儒學披詳去來回呈披詳得謹按禮記祭法聖王之  
制祭祀也法施於民則祀之以死勤事則祀之以勞定

國則祀之能禦大菑則祀之能捍大患則祀之謂其皆有功烈於民者也苟非此族不在祀典今披詳得

祠山正佑聖烈昭德昌福崇仁輔順張真君事迹有唐顏魯公所書橫山廟碑載其先祖出於黃帝之後曰秉者行山澤間與神邁踰年神女以所生男授秉曰此君之子也子孫當世世血食吳分後來詹仁澤曾樵二公纂次世家亦云秉事禹分治水土至揚州均江海通淮泗遇神媧謂秉曰帝以有功吳分遣吾為配生子當以木德王其地不在其身必在其子孫數千年後其世世廟食乎至漢神爵二年二月十一日夜半真君始生命

名曰勸乃橫山廟秉之裔也身長七尺隆準脩髯髮垂委地深知水火之道周游天下至湖州之白鶴山居焉發跡吳興郡長興縣順靈鄉縣荆溪役陰兵䟽鑿聖濟河長十五里岸高七尺至廣德界青林塘岸側又開浴兵池方三十餘頃尋廣聖瀆河岸迤邐而西至杜杭廟又十五里闊十五丈至二十二丈總計三十里志欲通津於廣德也其後末竟聖瀆河役遂道於廣德縣西五里橫山上居然朝斗化身于山頂之石壇居民思之遂立祠焉凡有水旱疾疫隨禱即應梁天監中歲旱武帝感蔣山神夢曰求雨於臣臣即近屬土地無能致雨有

綏安橫山廟神灵通天地禱之必獲感應一禱而雨是  
歲大稔遣使以珪帛謝綏安即今之廣德也唐天寶中  
禱雨即應初贈水部員外郎賜緋乾寧二年以陰兵助  
平孫儒遷贈司農少卿賜金紫後唐天祐五年禱雨霽  
霽加贈禮部尚書兼封廣德侯吳乾貞二年禱雨即應  
加封僕射仍舊廣德侯南唐保大十二年累次祈禱感  
應冊封司徒進封廣德公保大十四年以陰兵援宣城  
冊封廣德王宋康定元年禱雨獲應勅封靈濟王宣和  
三年以陰兵助敗方臘加封忠祐靈濟王紹興二年加  
封忠祐靈濟昭烈王紹興五年以境內雨澤霑足加封

正順忠祐靈濟昭烈王紹熙二年禱雨應期以父老懇  
請改封正順忠祐威德昭烈王嘉泰元年六月禱雨獲  
應改封正順忠祐威德聖烈王開禧元年九月禱雨隨  
應改封正祐顯應威德聖烈王開禧三年禱雨獲應改  
封正祐昭顯威德聖烈王寶祐五年改封正祐聖烈真  
君降賜雲霞銷金法服俯仰冠青玉圭履舄又於咸淳  
年間加封正祐聖烈昭德昌福崇仁輔順真君蓋真君  
起于前漢盛于唐吳表章顯崇於宋自唐顏魯公真卿  
大書特書碑刻而宋張乖崖公詠馳書祈請不啻如家  
問往來真西山先生德秀祝文亦謂自行四方遇王之

祠未嘗不肅然起敬况於巍巍煌煌衆廟之祖乎三賢  
皆正直名人决非輕語神恠者其稱許如此可尚也已  
自至元十二年南北混一以來地無水旱而老弱不至  
轉徙人無疫癘而戶口不至消耗其捍災禦患信亦有  
功烈於民者也如蒙參酌祀典照依歷代加封体例褒  
崇封號修嚴廟貌以振威灵禮亦宜之謹據禮經傳記  
講究定擬然此未敢懸便今將元奉  
鈞判連粘在前呈乞鈞詳施行本省今將累朝加封誥  
命似本重錄在前合行移咨請  
照驗  
聞奏施行須至咨者

右咨

中書省

回回字

蒙古字五字

至元二十二年 月 日

押

押

至元癸巳降

御香

維

祝文

大元至元三十年歲次癸巳四月丁亥朔二十八日甲寅

御位下使臣完澤欽奉

聖旨賚擎

御香前詣江東道廣德路

祠山正祐聖烈昭德昌福崇仁輔順真君為准

江東道宣慰使朱清上言



國家轉清海洋

神實陰相厥功懋焉爰降

御香以昭

寵答

神其歆鑒永迪前功謹告

道光庚寅四月十日 蔣日侯拜觀



道光丙申清和月十日合江蓮生  
氏陶廷杰敬觀於味經書屋

